

ঈমান পরিচর্যা

আব্দুর রাজ্জাক বিন আব্দুল মুহসিন



ওয়াফি পাবলিকেশন

মেথকের ভূমিকা

সকল প্রশংসা ও স্তুতি আল্লাহ তাআলার জন্য। তাঁর পানেই চাই সাহায্য প্রার্থনা, ক্ষমা ভিক্ষা। তাঁর সকাশেই চাই আশ্রয়—কলুষিত হৃদয় হতে, কলঙ্কময় আমল থেকে। যাকে তিনি পথ দেখান সে কখনো পথ হারায় না; আর যাকে তিনি পথহারা করেন সে কখনো পথ পায় না। আমি সাক্ষ্য দিচ্ছি, তিনি একক ও লা-শারিক; আর মুহাম্মাদে আরাবী ﷺ তাঁর পেয়ারা বান্দা ও প্রেরিত দূত। শান্তি ও রহমতের অফুরান বর্ষণ হোক তাঁর ও তাঁর পরিবারবর্গের ওপর।

ঈমান সবচেয়ে বড় দৌলত, ঈমান সবার আগে, সবকিছুর উর্ধ্বে। গুরুত্বের শৃঙ্গে, মর্বাদার তুঙ্গে। কেননা, দো-জাহানের সকল কল্যাণ নির্ভর করে নির্ভেজাল ঈমানের ওপর। এর উপকারিতা পর্যাণ্ড ও পরিব্যাপ্ত। এর ফল-ফলাদি সুস্বাদু ও সুমিষ্ট—রসে টসটসে, পরিপক্ব। প্রাচুর্যপূর্ণ চিরস্থায়ী সন্তোষ। আরও কত যে ঢের কল্যাণ এতে নিহিত তার কোনো ইয়ত্তা নেই!

এ ঈমানের জন্যই অশ্বারোহী বাহিনী ছুটে চলে। প্রতিযোগী-দল পাল্লায় নামে। মুজাহিদ বাহিনী জীবন উৎসর্গ করে, পান করে শাহাদাতের অমিয় সুখ। কারণ, যে ব্যক্তি ঈমানের মতো মহাদৌলতের তৌফিক পেয়েছে সে সবকিছুর ওপর ঈমানকেই প্রাধান্য দেবে। দুনিয়ার সমূহ-সম্পদ দিয়ে হলেও তা সে রক্ষা করবে। জীবন দেওয়ার ডাকে 'লাবায়িক' বলতে কুণ্ঠাবোধ করবে না।

মুসলিম উম্মাহর অগ্রপথিকগণ এমনই ছিলেন। তারা ঈমান-বৃক্ষের গোড়ায় সদা বারিসিঞ্চন করেছেন—বুকের তপ্ত রক্ত দিয়ে হলেও তা সিক্ত রেখেছেন। আবার কখনো পরম্পর বসে কোরআন ও হাদীস নিয়ে গবেষণা করেছেন, আলোচনা-পর্যালোচনা করেছেন। একে-অপরের খবর নিয়েছেন, যাচাই করেছেন—ঈমান

শক্তিশালী হয়েছে, না-কি দুর্বলই রয়ে গেছে। কখনো-বা যিকিরের মজলিস কায়েম করেছেন। ঈমানকে নিয়ে তাদের কর্মশালার ফিরিস্তি অনেক বড়। নমুনাস্বরূপ কিছু তুলে ধরা হলো :

১. হযরত উমার রা. নিজ সাথীদের বলতেন, ‘এসো, আমরা ঈমান তাজা করি।’

২. হযরত আব্দুল্লাহ ইবনে মাসউদ রা. বলতেন, ‘চলো আমরা ঈমান সতেজ করি।’ তিনি দুআ করতেন, ‘হে আল্লাহ, আমি তোমার নিকট ঈমান-একীন ও জ্ঞানের সমৃদ্ধি চাই।’

৩. হযরত মুয়াজ ইবনে জাবাল রা. বলতেন, ‘চলো, আমরা কিছুক্ষণ বসে ঈমানী আলোচনা করি।’

৪. হযরত আব্দুল্লাহ বিন রওয়াহ রা. সঙ্গীদের হাত ধরে বলতেন, ‘চলো আমরা আল্লাহকে স্মরণ করি। তাঁর বন্দেগী করি। তাহলে ঈমান তাজা হবে। শুধু তা-ই না, সবচেয়ে বড় আকর্ষণ হচ্ছে, তিনিও আমাদের স্মরণ করবেন। আমাদের নিয়ে ফেরেশতাদের সাথে গর্ব করবেন। শেষে ক্ষমার ঘোষণা দেবেন।’

৫. হযরত আবু দারদা রা. বলতেন, ‘প্রকৃত জ্ঞানী তো সে-ই, যে নিজের জ্ঞানের হিসেব রাখে—তা বাড়ল না কমল। আর সে সদা সতর্ক থাকে—শয়তান কোন দিক থেকে তার ঈমান ছেঁঁ মেরে নিয়ে যায় কি না।’

৬. হযরত ওমায়ের ইবনে হাবীব আল খত্বামী রহ. বলেন, ‘ঈমানের জোয়ার-ভাটা আছে।’ জিপ্তেস করা হলো, ‘আচ্ছা তা বোঝার উপায় কী?’ শুধালেন, ‘আমরা আল্লাহ তাআলার যিকির করি, তাসবীহ পড়ি, শোকর করি—এতে ঈমানের জোয়ার আসে। পক্ষান্তরে যখন গাফেল হয়ে যাই, সময় নষ্ট করি, তাঁকে ভুলে যাই, তখন ঈমানের সাগরে ভাটা আসে।’

৭. হযরত আলকামা ইবনে কাইস আন-নাখয়ী রহ. একজন প্রথম সারির তাবেয়ী ছিলেন। তিনি সঙ্গীদের বলতেন, ‘আমাদের সাথে থাকো, আমরা ঈমানকে সমৃদ্ধ করব।’

৮. হযরত আব্দুর রহমান বিন আমর আওয়ামীকে জিজ্ঞেস করা হলো, ‘ঈমান কি বাড়ে?’ তিনি বললেন, ‘হ্যাঁ, ঈমান বাড়তে বাড়তে পাহাড়সম হয়ে যায়।’ পুনরায় প্রশ্ন করা হলো, ‘ঈমান কি কমে?’ শুধালেন : ‘হ্যাঁ, কমে কমে একসময় শূন্যের কোঠায় নেমে আসে।’

৯. হযরত ইমামুল মুহাদ্দিসীন আহমদ ইবনে হাম্বল রহ.-কে জিজ্ঞেস করা হলো, ‘ঈমানের হ্রাস-বৃদ্ধি কীভাবে হয়?’ জবাব দিলেন, ‘ঈমান বাড়ে, উর্ধ্বগতিসম্পন্ন হয়; সপ্তাকাশ পেরিয়ে আরশ পানে ছুটে চলে। আবার ঈমান কমে, অধোমুখী হয়; সপ্তভূমি ভেদ করে চলে যায় নরকের অতল গহ্বরে।’

তিনি আরও বলেন, ‘ঈমান হলো মুখের কখন ও বাচন আর তার যথাযথ বাস্তবায়ন। ঈমান সবল হয় আবার দুর্বলও হয়। তুমি সংকাজ করবে তো ঈমান বেড়ে যাবে, আর সংকাজ করবে না তো ঈমান কমে যাবে।’

এ বিষয়ে তাদের বক্তব্য ও মন্তব্য অগণিত। তাদের সুরত ও সীরাত অধ্যয়ন করলে, তাদের জীবন ও লিখন দেখলে ঈমানের মহত্ত্ব ও গুরুত্ব বুঝে আসে। বস্ত্ত এ মহামনীষীরাই সত্যিকারার্থে ঈমান নামক মহাদৌলত চিনতে পেরেছিলেন। তারা বুঝতে পেরেছিলেন কীভাবে তা মজবুত করতে হয় আর কেন তা নড়বড়ে হয়ে যায়। এসব ব্যাপারে তাদের ছিল সম্যক অভিজ্ঞতা। আর করণীয় কাজ করতে ও বর্জনীয় কাজ ছাড়তে তাদের ছিল যথেষ্ট যোগ্যতা। তাই তারা ঈমান বাড়তে মেহনত করেছেন, প্রয়োজনে জীবন উৎসর্গ করেছেন। আর কোশেশ করেছেন ঈমানকে যা দুর্বল করে তা বর্জন করতে। তাই তো তারা হয়েছেন স্মরণীয়-বরণীয়, মাননীয় ও সম্মানীয়।

তাই ঈমানের পরিচয় ও হ্রাস-বৃদ্ধির কারণসমূহ জানার মধ্যে নিহিত আছে বিস্তার ফায়দা। শুধু ফায়দাই নয়, বরং এসব জানা বান্দার জন্য অত্যাাবশ্যিক। কারণ, ঈমানই তো বান্দার মূল পুঁজি। এতেই তো তার পূর্ণতা ও সফলতা। এতেই হবে তার সম্মান বৃদ্ধি ও কল্যাণ সিদ্ধি—দুনিয়াতেও, আখেরাতেও।

প্রতিটি সচেতন মুসলিমেরই উক্ত কারণসমূহ জানতে আত্মনিয়োগ করা উচিত। প্রাণপণ চেষ্টা ও গবেষণা করা উচিত জীবনের প্রতিটি মুহূর্তে, প্রতিটি ক্ষেত্রে। কারণ, তবেই তার ঈমান ও বিশ্বাসে সমৃদ্ধি আসবে। সাথে সাথে যে কাজে ঈমান

হ্রাস পায় তা থেকে নিরাপদ দূরত্ব বজায় রাখতে হবে। তবেই সে রক্ষা পাবে অশুভ পরিণতি থেকে, কষ্টদায়ক পরিণাম থেকে। এমনটা কারও তৌফিক হলে সে মহাকল্যাণ অর্জন করতে পেরেছে।

আল্লামা ইবনে সা'দী রহ. বলেন, 'সুতরাং তৌফিকপ্রাপ্ত মুমিন বান্দা তো সে-ই, যে হর-হামেশা দুটি বিষয় কোশেশ করে :

প্রথমত : সে ঈমান ও তার শাখাসমূহ যাচাই-বাছাই করে এবং নিজ জীবনে তা বাস্তবায়ন করে।

দ্বিতীয়ত : সে ভেতর-বাইরের নষ্টামি ও দুষ্টিমি বিদূরিত করতে আশ্রয় চেষ্টা করে। কেননা, তা তার দেহমন করে আহত ক্ষতবিক্ষত। ঈমান-অমল করে রোগাক্রান্ত ও ভারাক্রান্ত। আর খাটো ও ছোট করে দেয় তার শাখা-প্রশাখাসমূহ।

খাঁটি মুমিন বান্দা হঠাৎ করণীয় কাজে ভুল করে ফেলতে পারে, কিংবা বর্জনীয় কাজে ত্রুটি করে বসতে পারে—শয়তানের ধোঁকায় পড়ে লিপ্ত হয়ে যেতে পারে নফসের চাহিদা পূরণে—কিন্তু সঙ্গে সঙ্গে সে অনুতপ্ত হয়ে খাঁটি মনে তওবা করে নেয়।'

প্রিয় পাঠক, বক্ষ্যমাণ পুস্তিকায় উল্লেখ থাকছে ঈমান হ্রাস-বৃদ্ধির গুরুত্বপূর্ণ কারণসমূহ এবং সেগুলোর উপযুক্ত বিচার-বিশ্লেষণ। এটি মূলত আমার রচিত কিতাব *زيادة الإيمان ونقصانه وحكم الاستثناء فيه* -এর নাতীদীর্ঘ একটি পরিচ্ছেদ। কিছু সুহদ বন্ধুবরের পক্ষ থেকে জোরালো আবেদন ছিল, যেন আলোচনাটুকু স্বতন্ত্র পুস্তিকার রূপ দিই—যাতে মানুষের জন্য তা ব্যাপক কল্যাণময় হয়। সে লক্ষ্যেই এই ক্ষুদ্র প্রয়াস।

আল্লাহ তাআলার শুকরিয়া যে, তাঁর করুণা ও তাওফীকে তা সমাপ্ত করতে পেরেছি। তিনি যেন নিয়তের পরিশুদ্ধি দান করেন এবং তাঁর সম্ভৃতি দিয়ে আমাদের ধন্য করেন।



সূচিপত্র

ঈমান বৃদ্ধির উপায়	০৯
প্রথম উপায় : ইলমে নাফে' বা উপকারি ইলম শেখা	১৩
ইলম অর্জনের কিছু পথ ও পস্থা যেগুলো দ্বারা ঈমান বৃদ্ধি পায়	
১ম পস্থা :	
গভীর ধ্যানে কোরআন অধ্যয়ন	২৫
২য় পস্থা :	
আল্লাহ তাআলার সুন্দর নাম ও সুউচ্চ গুণাবলি জানা	৩৭
৩য় পস্থা :	
নববী সীরাত অধ্যয়ন	৪৫
৪র্থ পস্থা :	
ইসলামের সৌন্দর্য অনুধাবন	৫৩
৫ম পস্থা :	
নিভৃতচারী মহান সাধকদের জীবনালেখ্য অধ্যয়ন	৫৭
দ্বিতীয় উপায় : সৃষ্টির পরতে পরতে দৃষ্টি দেওয়া	৬১
তৃতীয় উপায় : ইখলাস ও সাধনার সাথে নেক আমল করা	
আত্মিক ইবাদত	৭৩
মৌখিক ইবাদত	৮১
শারীরিক ইবাদত	৮৫
আরও দুটি টনিক	
আল্লাহর দিকে আহ্বান	৮৯
সৎ সংশ্রব	৯১

ঈমান হ্রাস ও তার নিরোধ	৯৩
ঈমান হ্রাসের কারণ	৯৭
অভ্যন্তরীণ কারণ	
১ম কারণ : অজ্ঞতা	৯৯
২য় কারণ : গাফলত, বিমুখতা, বিস্মৃতি	১০৫
৩য় কারণ : গুনাহ ও পাপকাজ করা	১১১
৪র্থ কারণ : নফসে আশ্মারাহ	১১৯
বাহ্যিক কারণ	
১ম কারণ : শয়তান	১২৫
২য় কারণ : দুনিয়ার মোহ	১৩১
৩য় কারণ : অসৎ সঙ্গী	১৩৭
নব্য সভ্যতার ভয়ানক বন্ধু	১৪১





بِسْمِ اللَّهِ الرَّحْمَنِ الرَّحِيمِ

ঈমান পরিচর্যা

আল্লাহ তাআলা দুনিয়াতে কত কিছুই-না আকর্ষণীয় বানিয়েছেন! অতঃপর বাতলে দিয়েছেন সেগুলো অর্জনের পদ্ধতি ও পন্থা। তন্মধ্যে সবচেয়ে বড় কাঙ্ক্ষিত, সর্বাধিক ঈঙ্গিত বিষয় হচ্ছে ‘ঈমান’। আর তা বলিষ্ঠ ও শক্তিশালী করার জন্য রেখেছেন বহু আমল ও উপকরণ। আল্লাহ তায়ালা সেগুলো জানিয়ে দিয়েছেন কোরআনে; রাসূল ﷺ-ও সেগুলো শুনিয়েছেন স্রীয় জবানে। তন্মধ্যে অধিক গুরুত্বপূর্ণ কারণগুলো এ পুস্তিকায় আলোচনা করা হবে, ইনশাআল্লাহ।



প্রথম উপায়

ইলমে নাফে' শিক্ষা করা

ঈমান বাড়াতে হলে সবচেয়ে কার্যকর ও শুদ্ধিকর পদক্ষেপ হলো, উপকারী বিদ্যা বা শরীয়তের জ্ঞান অর্জন করা—যা কোরআন-সুন্নাহ থেকে উৎসারিত।

আল্লামা ইবনে রজব রহ. বলেন, 'উপকারী বিদ্যা হলো—কোরআন-হাদীসের মূল বক্তব্য মুখস্থ ও আত্মস্থ করে সেগুলোর মর্ম উপলব্ধি করা। এ ক্ষেত্রে সাহাবী, তাবেয়ী, তাবে-তাবেয়ীদের মত ও পথই গ্রহণযোগ্য—হোক সে মত হালাল-বিষয়ক বা হারাম-বিষয়ক, কিংবা আত্মার পরিমার্জন সম্পর্কে। এ লক্ষ্যে দুটি কাজ লক্ষণীয়—প্রথম পর্যায়ে সবল ও দুর্বল হাদীসগুলোর মাঝে পার্থক্য নিশ্চিতভাবে জানা। দ্বিতীয় পর্যায়ে সেগুলোর অর্থ ও উদ্দেশ্য বুঝতে চেষ্টা করা। যে ব্যক্তি হাদীসের জ্ঞান আহরণে এবং উপকারী বিদ্যা অন্বেষণে ব্যস্ত, তার জন্য এতটুকুই যথেষ্ট।'

ইবনে হাজার আসকালানী রহ. বলেন, 'উপকারী বিদ্যা বলতে বোঝায় শরয়ী বিদ্যা—যা সমৃদ্ধ করে জ্ঞানভান্ডার, পরিশুদ্ধ করে ঈমান-আকীদা, পরিপাটি করে ইবাদাত, লেনদেন ও আচার-আচরণ। তার অর্জনকারীকে ধন্য করে—আল্লাহ তাআলার মারেফাতের অমিয় সুখা পান করিয়ে, তাঁর সত্তা ও গুণাবলির সাথে পরিচয় করিয়ে। আর তা শিক্ষা দেয় তাঁর নির্দেশ যথাযথ পালন করতে এবং তাঁর পবিত্রতা ঘোষণায় সদা ব্রতী থাকতে। আর এ সবকিছুর মূল ভিত হচ্ছে তাফসীর, হাদীস ও ফিকাহশাস্ত্র।'^১

এ ইলম যে অর্জন করে তার দিলে ঈমান ঘনীভূত হয়ে বিপরীত চাহিদাগুলো দূরীভূত হয়। কোরআন-সুন্নাহে নজর বুলালে এ কথার যথার্থতা বুঝে আসে :

১. ফাতহুল বারী : ১/১৪১।

شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُو الْعِلْمِ قَائِمًا
بِالْقِسْطِ لَا إِلَهَ إِلَّا هُوَ الْعَزِيزُ الْحَكِيمُ

‘আল্লাহ সাম্য দিয়েছেন যে, তাঁকে ছাড়া আর কোনো উপাস্য নেই। ফেরেশতাগণ এবং
ন্যায়নিষ্ঠ জ্ঞানীগণও সাম্য দিয়েছেন যে, তিনি ছাড়া আর কোনো ইলাহ নেই। তিনি
পরাক্রমশালী প্রজ্ঞাময়।’ (সূরা আলে-ইমরান : ১৮)

لَكِنِ الرَّاسِخُونَ فِي الْعِلْمِ مِنْهُمْ وَالْمُؤْمِنُونَ يُؤْمِنُونَ
بِمَا أَنْزَلَ إِلَيْكَ وَمَا أَنْزَلَ مِنْ قَبْلِكَ وَالْمُقِيمِينَ الصَّلَاةَ
وَالْمُؤْتُونَ الزَّكَاةَ وَالْمُؤْمِنُونَ بِاللَّهِ وَالْيَوْمِ الْآخِرِ أُولَئِكَ
سَنُؤْتِيهِمْ أَجْرًا عَظِيمًا

‘তাদের মধ্যে যারা জ্ঞানে সুগভীর, তারা ও মুমিনরা আপনার প্রতি যা অবতীর্ণ করা
হয়েছে এবং আপনার পূর্বে যা অবতীর্ণ করা হয়েছে তাতেও ঈমান আনে। আর যারা
সালাত কয়েমকারী, যাকাত দানকারী এবং আল্লাহ ও কেয়ামতে আস্থাশীল। বস্তুত
এমন লোকদের আমি দান করব মহাপুণ্য।’ (সূরা নিসা : ১৬২)

قُلْ آمَنُوا بِهِ أَوْ لَا تُؤْمِنُوا إِنَّ الَّذِينَ أُوتُوا الْعِلْمَ مِنْ قَبْلِهِ
إِذَا يُتْلَى عَلَيْهِمْ يَخِرُّونَ لِلْأَذْقَانِ سُجَّدًا، وَيَقُولُونَ سُبْحَانَ
رَبِّنَا إِنَّ كَانَ وَعْدُ رَبِّنَا لَمَفْعُولًا، وَيَخِرُّونَ لِلْأَذْقَانِ يَبْكُونَ
وَيَزِيدُهُمْ خُشُوعًا

‘বলুন, তোমরা কোরআন মান্য করো অথবা অমান্য করো—যারা পূর্বে থেকে ইলম প্রাপ্ত
হয়েছে, যখন তাদের কাছে এর তিলাওয়াত করা হয়, তখন তারা নতমস্তকে সেজদায়
লুটিয়ে পড়ে এবং বলে, আমাদের পালনকর্তা পবিত্র, মহান। নিঃসন্দেহে আমাদের
পালনকর্তার ওয়াদা অবশ্যই পূর্ণ হবে। তারা ক্রন্দন করতে করতে নতমস্তকে ভ্রুমিতে
লুটিয়ে পড়ে এবং তাদের বিনয়ভাব আরও বৃদ্ধি পায়।’ (সূরা ইসরা : ১০৭-১০৯)

وَلِيَعْلَمَ الَّذِينَ أُوتُوا الْعِلْمَ أَنَّهُ الْحَقُّ مِنْ رَبِّكَ فَيُؤْمِنُوا بِهِ
فَتُخْبِتَ لَهُ قُلُوبُهُمْ وَإِنَّ اللَّهَ لَهَادِ الَّذِينَ آمَنُوا إِلَى صِرَاطٍ

مُسْتَقِيمٍ

‘এবং এ কারণেও যে, যাদের জ্ঞান দান করা হয়েছে, তারা যেন জানে যে এটা আপনার পালনকর্তার পক্ষ থেকে সত্য; অতঃপর তারা যেন এতে বিশ্বাস স্থাপন করে এবং তাদের অন্তর যেন এর প্রতি বিজয়ী হয়। আল্লাহই বিশ্বাস স্থাপনকারীকে সরল পথ প্রদর্শন করেন।’ (সূরা হাজ্ব : ৫৪)

وَيَرَى الَّذِينَ أُوتُوا الْعِلْمَ الَّذِي أُنزِلَ إِلَيْكَ مِنْ رَبِّكَ هُوَ
الْحَقُّ وَيَهْدِي إِلَى صِرَاطٍ الْعَزِيزِ الْحَمِيدِ

যারা জ্ঞানপ্রাপ্ত, তারা আপনার পালনকর্তার নিকট থেকে অবতীর্ণ কোরআনকে সত্য জ্ঞান করে এবং এটা মানুষকে পরাক্রমশালী, প্রশংসার আল্লাহর পথ প্রদর্শন করে।’ (সূরা সা’বা : ৬)

إِنَّمَا يَخْشَى اللَّهَ مِنْ عِبَادِهِ الْعُلَمَاءُ إِنَّ اللَّهَ عَزِيزٌ غَفُورٌ

‘আল্লাহর বান্দাদের মধ্যে জ্ঞানীরাই কেবল তাঁকে ভয় করে। নিশ্চয় আল্লাহ পরাক্রমশালী ক্ষমাশীল।’ (সূরা ফাতির : ২৮)

يَرْفَعُ اللَّهُ الَّذِينَ آمَنُوا مِنْكُمْ وَالَّذِينَ أُوتُوا الْعِلْمَ دَرَجَاتٍ
وَاللَّهُ بِمَا تَعْمَلُونَ خَبِيرٌ

‘তোমাদের মধ্যে যারা ঈমানদার এবং যারা জ্ঞানপ্রাপ্ত, আল্লাহ তাদের মর্যাদা উঁচু করে দেবেন। আল্লাহ খবর রাখেন, যা কিছু তোমরা করো।’ (সূরা মুজাদালাহ : ১১)

বুখারী ও মুসলিমে হযরত মুয়াবিয়া রাযি.-এর সূত্রে নবীজী ﷺ থেকে বর্ণিত, ‘আল্লাহ তাআলা যাকে প্রভূত কল্যাণ দিতে চান তাকে দীনের সঠিক বুঝ দিয়ে দেন।’^{১১}

মুসনাদে আহমাদে আবু দারদা রাযি.-এর সূত্রে বর্ণিত, তিনি বলেন, আমি রাসূলুল্লাহ সাল্লাল্লাহু ‘আলাইহি ওয়াসাল্লামকে বলতে শুনেছি, ‘যে ব্যক্তি জ্ঞানার্জনের জন্য কোনো পথ অবলম্বন করে, আল্লাহ তাকে জান্নাতের পথসমূহের কোনো একটিতে উঠিয়ে নেন। ফেরেশতারা জ্ঞান অন্বেষণকারীর সম্ভৃষ্টির জন্য নিজেদের ডানা বিছিয়ে দেয়। আসমান ও যমীনের মাখলুকাত তার জন্য ক্ষমা প্রার্থনা করে, এমনকি পানির গভীরে বসবাসকারী মাছও! সাধারণ ইবাদতগুজার ব্যক্তির ওপর আলেমের

১. বুখারী : ১/১৬৪, ৬/২১৭, ১২/২৯৩; ফাতহুল বারী; মুসলিম : ৩/১৫২৪।